

**№43 «Гүлдәурен» балабақшасы МКҚК  
Өндірістік жиналыстың №1 хаттамасы**

**Қатысты:44**

**Қатыспады:2**

**Мерзімі: Қазан**

**Күн тәртібіндегі мәселелер:**

- 1.Балалардың өмірін қорғау және денсаулығын сақтау бойынша нұсқаулық жүргізу
- 2.Ата-аналарға арналған ақпараттық-көрнекілік материалдарды ұйымдастыру
- 3.Ас блогының санитарлық талаптар мен ережелерге сәйкестігін тексеру

**Тыңдалды:**

Балабақша басшысы Шокпарова К.Т ұжым қызметкерлерімен балалардың өмірі мен денсаулығын қорғау бойынша нұсқаулық жүргізді. Нұсқаулық барысында келесі талаптар түсіндірілді:

Балаларды топта немесе балабақша аумағында қараусыз қалдырмау;

Балаларды жол жүру ережелерімен, өрт қауіпсіздігі талаптарымен таныстыру және оларды сақтауға үйрету;

Электр құралдарын қауіпсіз пайдалану, ұзартқыштарды шамадан тыс қолданбау, бос электр нүктелерін арнайы қорғаныш құралдарымен жабдықтау;

Жарақаттанудың алдын алу мақсатында қауіпсіздік техникасы ережелерін қатаң сақтау;

Қауіпті жағдайлардың алдын алу және еңбек қауіпсіздігі талаптарын орындау; Жаңадан жұмысқа қабылданған немесе лауазымы өзгерген қызметкерлердің білімін тексеруден өткізу

Сонымен қатар, тәрбиешілерге серуенді ұйымдастыру кезінде жыл мезгілінің ерекшеліктерін ескеру қажеттілігі ескертілді.

Барлық педагог қызметкерлердің қауіпсіздік бағыттары бойынша (өрт қауіпсіздігі, терроризмге қарсы қауіпсіздік, азаматтық қорғаныс) арнайы курстардан өтіп, сертификат алуы міндеттелді.

Аталған бағыттар бойынша жауапты тұлғалар бекітіліп, тиісті бұйрық шығарылғаны хабарланды.

**Екінші мәселе бойынша** Балабақша басшысы Шокпарова К.Т. ата-аналармен жүргізілетін жұмыстың маңыздылығын атап өтіп, бұл бағыттағы жұмысты одан әрі күшейту қажеттігін айтты. Ата-аналармен тығыз байланыс орнату – балалардың тәрбиесі мен дамуына оң әсер ететін негізгі факторлардың бірі екендігі ерекше атап өтілді.

Осыған байланысты педагог қызметкерлерге келесі міндеттер жүктелді:

Әр топтағы ата-аналар бұрыштары мен ақпараттық стендтерді талапқа сай безендіру, оларды заманауи әрі тартымды етіп ұйымдастыру;

Ата-аналарға арналған ақпараттарды (күн тәртібі, оқу-тәрбие жұмыстары, кеңестер, хабарландырулар) уақтылы, нақты және көрнекі түрде ұсыну;

Ата-аналармен кері байланысты нығайту мақсатында түрлі форматтағы жұмыстарды (жеке әңгіме, жиналыс, кеңес беру) жүйелі түрде ұйымдастыру;

Консультативтік пункттің жұмыс сапасын арттыру, ата-аналарға психологиялық-педагогикалық көмек көрсету деңгейін көтеру; Ата-аналардың сұраныстары мен ұсыныстарына мұқият қарап, толық әрі қанағаттанарлық жауап беру; Сонымен қатар, ата-аналарға арналған консультативтік пункттің жұмыс кестесі қайта қаралып, бекітілді. Кестеге сәйкес ата-аналар өздеріне қолайлы уақытта келіп, қажетті кеңес алу мүмкіндігімен қамтамасыз етіледі. Педагог қызметкерлерге ата-аналармен жұмысты жүйелі, жоспарлы түрде жүргізу қатаң тапсырылды.

**Үшінші мәселе бойынша** Медбике ас блогының санитарлық талаптарға ішінара сәйкес келетінін баяндады. Тексеру барысында ас блогында санитарлық-гигиеналық талаптардың жалпы сақталып отырғаны анықталғанымен, кейбір кемшіліктердің бар екендігі атап өтілді. Осыған байланысты санитарлық талаптарды күшейту және тұрақты бақылауда ұстау қажеттілігі ескертілді.

Атап айтқанда, ыдыстарды жуу барысында белгіленген талаптарды қатаң сақтау керектігі айтылды. Ыдыстарды міндетті түрде 45–60°C температурадағы ыстық суда жуу қажет екендігі және бұл талаптың тағамнан уланудың алдын алу мен тазалықты қамтамасыз етуде маңызы зор екендігі түсіндірілді.

Сонымен қатар, ас блогында жұмыс Қазақстан Республикасының қолданыстағы санитарлық нормалары мен ережелеріне (СанПин) сәйкес жүргізіліп жатқаны айтылды. Дегенмен, аталған талаптардың толық әрі үздіксіз орындалуын қамтамасыз ету үшін бақылауды күшейту қажеттігі көрсетілді.

Тағам өнімдерін сақтау және пайдалану мәселесіне ерекше назар аударылды. Өнімдерді тек өз мерзімінде пайдалану, сақтау шарттарын қатаң сақтау, тоңазытқышта және арнайы қоймаларда белгіленген тәртіппен орналастыру міндеттелді. Әрбір тағам өнімінің таңбалануы дұрыс жүргізіліп, олардың атауы, дайындалған күні мен сақтау мерзімі нақты көрсетілуі тиіс екендігі ескертілді.

Ыдыс жуу техникасын сақтау, яғни ыдыстарды дұрыс ретпен жуу, залалсыздандыру және кептіру жұмыстары қатаң бақылауға алынатыны айтылды. Бұл талаптардың орындалмауы санитарлық нормалардың бұзылуына әкелуі мүмкін екендігі ескертілді.

Сонымен қатар, ас блогындағы жабдықтардың тазалығы да басты назарда болуы тиіс екендігі айтылды. Газ плиталарын, жұмыс үстелдерін, қабырға кафельдерін күнделікті тазалап, залалсыздандыру қажеттілігі ерекше атап өтілді. Ас блогының барлық қызметкерлеріне жұмыс орындарының тазалығын сақтау, жеке гигиена талаптарын орындау және санитарлық нормаларды бұзбау жөнінде қатаң нұсқау берілді.

Жалпы алғанда, ас блогында санитарлық талаптарды сақтау – балалардың денсаулығын қорғаудың маңызды бөлігі екендігі атап өтіліп, бұл бағыттағы жұмыстарды жүйелі түрде бақылау қажет екендігі қорытындыланды.

---

### **Шешімі:**

1. Балалардың өмірі мен денсаулығын қорғау бойынша барлық қауіпсіздік шаралары қатаң бақылауда ұсталсын.  
Азаматтық қорғаныс, өрт қауіпсіздігі және төтенше жағдайлардың алдын алу бағытындағы жұмыстар жүйелі түрде ұйымдастырылсын.  
Осы бағыт бойынша жауапты тұлға Саттыкова Айшат Акылбековна бекітіліп, бекітілген жоспарға сәйкес іс-шараларды уақытылы және сапалы түрде жүргізу міндеттелсін.
2. Ас блогында санитарлық-гигиеналық талаптардың толық орындалуы қамтамасыз етілсін.  
Тамақ дайындау, сақтау және тарату барысында қолданыстағы санитарлық нормалар мен ережелер (СанПин) қатаң сақталсын.  
Ас блогының тазалығы, ыдыстарды жуу тәртібі, тағам өнімдерінің сапасы мен сақтау мерзімдері тұрақты бақылауға алынсын.  
Аталған жұмыстарға бақылау жүргізу медбике жүктелсін.  
Ата-аналармен жүргізілетін жұмыс жүйелі түрде ұйымдастырылып, оның сапасы арттырылсын.  
Топтардағы ата-аналар бұрыштары мен ақпараттық стендтер талапқа сай безендіріліп, үнемі жаңартылып отырсын.

Жиналыс төрайымы:  
Жиналыс хатшысы:

Шокпарова К.Т  
Уксикбаева Жанаргул Алишовна